



**Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 11. Fratrum Minorum discordia.

---

[urn:nbn:de:hbz:466:1-66293](#)

## §. XI.

*Fratrum Minorum discordia.*

**A**t post obitum S. Bonaventuræ Fratrum Minorum disciplinam haud modice laxavit infausta dissensio Ordinem dividens Fratres Spirituales inter & Fratres Communis Observationis. Bonus Papa S. Cælestinus studiosior disciplinæ quam prudenter hoc dissidium authoritate firmavit sua; dum congregationem pauperum Eremitarum Fratri Liberato parentium approbavit. Ad summam vero acerbitatem discordiam deduxit notissima disceptatio de dominio rerum usu pereuntium, qualis est panis victusque reliquus. S. Bonaventura ipse afferuit Fratres Minores abdicare hoc dominium, idque transfire ad Papam & Romanam Ecclesiam: quod etiam accepit Papa Nicolaus III. Sed Joannes XXII rejecit hoc dominium imaginarium; & declaravit simplicem usum facti (intra quem continere se volebant falsi Spir-

*Hist. l. 89.*  
§. 3. 31.

*Hist. l. 86.*  
§. 21.

*Hist. l. 87.*  
§. 33.

*Hist. l. 93.*  
§. 14.

Spirituales) esse usum iniquum, ut pote omni exutum jure.

Affirmavit obedientiam esse Regulare *Hist. l. 92.*  
gularium virtutem præcipuam & paupertati anteferendam. Nam hi *§. 34.*  
fratres indociles contendebant non esse parendum Præsidibus, quando id, quod præciperent, obstaret perfectioni. Is erat fructus disputationum scholasticarum, in quibus hi Fratres assidue se exercebant: tractabantur ibi novæ quotidie quæstiones: & quæcunque excogitari poterant, subtilitates; ac disceptandi rationes subdolæ adhibebantur. Quærebatur exempli gratia, an regula obliget *Car. de verb.*  
*sign. in 6.* sub peccato gravi, aut leviore? an *Clem. Exivi*  
*eod.* adstringat ad consilia Evangelica si-  
cuit ad præcepta? an id, quod præ-  
scribit ad modum moniti, aut exhortationis, vel doctrinæ, obstringat pa-  
riter ac illud, quod verbis imperanti-  
bus effert? Inde venit consuetudo  
scrutandi minutius præcepta Dei ac  
Evangelium.

Effectus harum disputationum *Hist. l. 93.*  
futilium nimio plus graves ac ferocii fue- *§. 53.*

*Hist. Eccles. Tom. XXIV.*

D re.

re. Cum Papa Joannes XXII hos  
fratres indociles damnare ausus esset;  
tantum authoritatis arrogabant sibi,  
ut eum dicerent hæreticum, ab ejus-  
dem sanctionibus ad futurum conci-  
lium appellantes. Demum eo us-  
que processit seditio, ut isti Fratres  
Minores ab Imperatore Ludovico Ba-  
varo suffulti curarent Joannem XXII  
**exauthorari**, & in ejus locum substi-  
tui antipapam e suo numero Petrum  
**Corbarium**: qui ut dignitatem susti-  
neret suam, corrogare, quæ poterat,  
undecunque coactus est: **huc recidit**  
illorum fratrum demissio, ardens stu-  
dium paupertatis, ac perfectio **Ev-**  
**angelica**.

Cæterum, et si Religiosorum men-  
dicitatem non ante seculum decimum  
tertium authoritate sua firmavit Ec-  
clesia; inventio tamen illius haud fuit  
nova. Omni tempore conspecti sunt  
mendicantes etiam sub obtentu philo-  
sophiae aut religionis. Victimum preca-  
*Diog. Laert.*  
*Har. 80. n. 4*  
5.6. rio conquirebant philosophi Cynici:  
cernebaturque aliquando Diogenes  
stipem a statua petens, se in repulsa  
feren-

ferenda exercendi gratia, ut ajebat.

Hæretici Massaliani S. Epiphonio *Hist. l. 19.*  
præbebant ansam notandi mendican-  
*§. 25.*

tium difficultates; turpe studium pla-  
cendi habentibus opes, etiam si male  
sint partæ, officiosas aditiones mu-  
tuas, assentationes, colloquia de re-  
bus novis, aliisve argumentis profa-  
nis, omniumque obsequiorum pessi-  
mum, nempe facilitatem absolvendi a  
flagitiis, & confirmationem Theologiæ  
moralis. Guilielmus Durantius Epis-  
*Hist. l. 91.*  
copus Mimatensis in suis monitis ad  
*§. 52.*

concilium Viennense spectantibus  
magni esse sibi Fratres Mendicantes  
significat: sed addit eorum inopiam  
levari debere ita, ut sufficientes re-  
ditus communes possideant, aut ex  
labore manuum suarum vivant velut  
Apostoli.

### §. XII.

*Religiosæ disciplinæ remissio generalis.*

Monachi cæterique Religiosi vete-  
res magnum in contemptum ve-  
niebant ex illo tempore, quo intro-  
*D 2* ducti